

खबरां

- खाड़ी मुल्लखें थमां एलपीजी गैस लेइयै भारत दा शिवालिक एलपीजी टैंकर हामुर्ज जलडमरूमध्य सुरक्षित पार करियै अज्ज संझा गुजरात दे मुंद्रा बंदरगाह पर पुज्जी गेआ ऐ।
- चुनांऽ आयोग नै पच्छिम बंगाल च तुरत प्रभाव कन्नै 4 वरिष्ठ पुलस अफसरें दे तबादले करी दित्ते ना।
- बिहार दिएं 5, ओडिशा दिएं 4 ते हरियाणा दिएं 2 राज्यसभा सीटें लेई अज्ज वोट पोआए गे, नतीजे बी अज्ज गै सामने आई जाडन।
- भारती चुनांऽ आयोग नै असम, केरलम ते पुदुचेरी दे विधानसभा चुनाएं लेई अधिसूचना जारी करी दित्ती ऐ।
- लोकसभा च अज्ज 2026-27 बरें लेई रेल मंत्रालय दिएं ग्रांट मंगें पर चर्चा शुरू होई।
- सरकार नै एस.सस.टी ते महिला उद्यमिं लेई स्टैंड अप इंडिया योजना दे नमें सिरेआ गठित संस्करण दा एलान कीता ऐ।



Inter Ministerial Breifing

पत्तन, पोत ते जलमार्ग मंत्रालय च विशेष सचिव राजेश कुमार सिन्हा होरें दस्सेआ ऐ जे एलपीजी वाहक ज्हाज शिवालिक अज्ज संझा भारत पुज्जी गेआ ऐ। पश्चिम एशिया दे हालिया घटनाक्रमें पर नमीं दिल्ली च आयोजित अंतर-मंत्रालयी संवाददाता सम्मेलन गी संबोधित करे होई श्री सिन्हा होरें दस्सेआ जे भारती मालवाहक ज्हाज - नंदा देवी कल पुज्जोग। उनें दस्सेआ जे शिवालिक आस्टै बंदरगाह पर दस्तावेजीकरण ते प्राथमिकता दे आधार पर बर्थिंग दी बवस्था करी दित्ती गेई ऐ तां जे ज्हाज कन्नै माल तोआरने च कोई देरी नेई होऐ। श्री सिन्हा होरें आखेआ जे संयुक्त अरब अमीरात थमां

रवाना होने आह्ला भारतीय ध्वज आह्ला ज्हाज जग लाडकी सुरक्षित रूप कन्नै भारत दे रास्ते पर ऐ। श्री सिन्हा होरें दस्सेआ जे इस ज्हाज च तकरीबन 81 ज्हार टन कच्चा तेल ऐ। उनें एहू बी आखेआ जे फारस दी खाड़ी क्षेत्र च सब्बै भारतीय नाविक सुरक्षित न ते पिछले 24 घंटें च कोई घटना नेई होई ऐ। पेट्रोलियम ते प्राकृतिक गैस मंत्रालय दी संयुक्त सचिव सुजाता शर्मा नै दस्सेआ जे देश च कच्चे तेल दी पर्याप्त मात्रा उपलब्ध ऐ ते सब्बै रिफाइनरियां अपनी पूरी क्षमता कन्नै कम्म करा'रदियां न। उनें आखेआ जे सब्बै पेट्रोल पंप सामान्य रूप कन्नै कम्म करा'रदे न ते कुते बी पेट्रोल दी कमी दी कोई खबर नेई ऐ। संयुक्त सचिव होरें एहू बी आखेआ जे डिलीवरी प्रमाणीकरण कोड राएं कीती गेदी डिलीवरी पिछले महीने दे 53 प्रतिशत थमां बढ़ियै हुन 72 प्रतिशत होई गई ऐ। शर्मा होरें दस्सेआ जे कालाबाजारी ते जमाखोरी गी रोकने आस्तै उपाऽ कीते जा'रदे न। विदेश मंत्रालय दे प्रवक्ता रणधीर जायसवाल होरें आखेआ जे ईरान च मौजूद करीब 550 भारतीय नागरिक जमीन दे रास्ते आर्मेनिया च दाखिल होई गए न जेल्ले कि 90 नागरिक आजरबैजान च प्रवेश करी चुके दे न। उनें दस्सेआ जे इस आवाजाही च तेहरान स्थित भारती दूतावास दा सहयोग शामिल रेहा ऐ। श्री जायसवाल होरें एहू बी दस्सेआ जे मुश्कलें दें बावजूद भारती दूतावास पूरी चाल्ली कम्म करा'रदा ऐ।

<><><><><><>

Jaishankar-Armania

विदेश मंत्री डॉ. एस. जयशंकर होरें ईरान कन्नै हुनै तगर 550 थमां बढ़ भारती नागरिकें दी सुरक्षित निकासी च सहयोग देने आस्तै आर्मेनिया सरकार ते उत्थूं दे लोकें दा आभार जताया ऐ। डॉ. जयशंकर नै सोशल मीडिया पर इक्क पोस्ट च इस चुनौतीपूर्ण समें च उन्दे समर्थन दी सराहना बी कीती।

<><><><><><>

West-Asia

अमरीका दे राष्ट्रपति डॉनल्ड ट्रम्प होरें करीब 7 देशें कन्नै होर्मुज जलडमरूमध्य गी खुल्ला रखने आस्तै युद्धपोत भेजने दी मंग कीती ऐ। तोआई, ईरान नै अज्ज बी खाड़ी देशें पर अपने हमले जारी रखे। श्री

ट्रम्प होरें आखेआ जे अमरीका पश्चिम एशिया दे कच्चे तेल पर बड़ा मते निर्भर देशें आस्तै इक्क गठबंधन च शामिल होने आस्तै गल्लबात करा'रदा ऐ तां जे उस जलमार्ग दी निगरानी कीती जाई सकै जेड़े रस्तेयां दुनिया दे 20 प्रतिशत तेल दी आपूर्ति होंदी ऐ। यूरोपीय संघ नै आखेआ ऐ जे ओहू होर्मुज गी फही खोलने च मदद आस्तै दो किस्मै दे नौसैनिक अभियानें पर विचार करा'रदा ऐ। यूरोपीय संघ दी विदेश नीति प्रमुख काजा कल्लास नै आखेआ जे होर्मुज गी खुल्ला रखना उन्दे हित च ऐ ते यूरोपीय संघ इस समस्या दे समाधान पर चर्चा करा'रदा ऐ। उनें अज्ज ब्रुसेल्स च आखेआ जे इस ते उर्वरकें दी बदधी कीमतें ईरान युद्ध गी उंदी प्राथमिकता सूची च सबनें शा उप्पर आह्नी दित्ता ऐ। तोआई, जापान, ऑस्ट्रेलिया ते ब्रिटेन नै आखेआ जे होर्मुज जलडमरूमध्य दी सुरक्षा च मदद आस्तै ज्हाज भेजने दी उंदी कोई योजना नेई ऐ। दुई बक्खी दुनिया दे सबनें शा बद्द भीड़ आह्ले दुबई अंतरराष्ट्रीय ब्हाई अड्डे पर इक्क ड्रोन दे ईंधन टैंक कन्नै टकराने ते अग्ग लग्गने दी घटना दे बाद आस्ता-आस्ता सेवा फही शुरू होई गई ऐ। अधिकारियें आखेआ जे अग्ग पर तुरत काबू पाई लैता गेआ ते कुसै दे घायल होने दी सूचना बी नेई ऐ। दुबई नै यात्रियें गी सलाह दित्ती ऐ जे अपनी उड़ानें बारे नवीनतम जानकारी आस्तै अपनी एयरलाइनें कन्नै संपर्क करन कीजे घटना दे बाद डोआरिणं दा कम्म बल्ले-बल्ले बहाल होआ'रदा ऐ। तेल दी कीमतें च भारी उछाल बश्कार ईरान नै अमरीका पर संयुक्त अरब अमीरात दे बंदरगाहें, गोदियें ते गुप्त ठिकानें दा प्रयोग करियै खर्ग द्वीप पर हमले करने दा आरोप लाया ऐ। इस द्वीप पर ईरान दे तेल निर्यात दा मुख्क टर्मिनल ऐ। अज्ज ब्रेंट कूड ऑयल करीब 105 अमरीकी डॉलर प्रति बैरल पर कारोबार करा'रदा हा। तोआई, इस्राएली हमलें नै लेबनान दे मानवीय संकट गी होर गहरा करी दित्ता ऐ। एह्दे च 885 थमां बद्द लोग मारे गए न ते 8 लक्ख थमां बद्द लोक विस्थापित होए ना। इस्राएल दी सेना नै आखेआ ऐ जे उन्नै सीमित ते लक्षित अभियान आस्तै लेबनान च बद्द सैनिक भेजे ना। एहू तैनाती ईरान समर्थित समूह हिजबुल्लाह दे हमलें कन्नै इस्राएली सीमावर्ती समुदायें दी रक्षा आस्तै ऐ।

<><><><><><><>

EC-Officers Transferred

निर्वाचन आयोग नै पच्छिम बंगाल च फौरा प्रभाव कन्नै 4 वरिष्ठ पुलस अधिकारियें दे तबादले करी दित्ते ना। आयोग दे राज्य दे पुलस महानिदेशक डीजीपी, D G Correctinal Services, ADG law and order ते कोलकाता पुलस कमिशनर दे तबादले दे हुकम जारी कीते ना। आयोग ने 1992 बैच दे आईपीएस अधिकारी सिद्धनाथ गुप्ता होरें गी पच्छिम बंगाल दे नमें डीजीपी दे तौरा पर नियुक्त कीता ऐं 1996 बैच दे आईपीएस अधिकारी अजय कुमार नंद होरें गी कोलकाता पुलस दा कमिशनर नियुक्त कीता ऐ। 1991 बैच दे आईपीएस अधिकारी एन. रमेश बाबू होरें गी सुधार सेवाएं दा महानिदेशक नियुक्त कीता गेआ ऐ ते 1995 बैच दे आईपीएस अधिकारी अजय मुकुंद रनाडे होरें कनून ते बवस्था दे एडीजी दे ओहदे पर तैनात कीता गेआ ऐ।

<><><><><><><><>

EC Assembly Election

भारती चुनांस आयोग नै केरलम, असम ते पुदुचेरी दे विधानसभा चुनाएं आस्तै अधिसूचना जारी करी दित्ती ऐ। कल असम, केरल, पुदुचेरी ते तमिलनाडु च इक गेड च विधानसभा चुनाव करोआने दी घोषणा कीती, जिसलै कि पश्चिम बंगाल च दो गेड च चुनाव होंडना। चार राज्यें ते इक केंद्र शासित प्रदेश दे चुनाव कार्यक्रम दी घोषणा करदे होई दिल्ली च मुख्ब निर्वाचन आयुक्त ज्ञानेश कुमार होरें दस्सेआ जे असम, केरल ते पुदुचेरी च मतदान 9 अप्रैल गी ते तमिलनाडु च मतदान 23 अप्रैल गी होगा। पश्चिम बंगाल च मतदान 2 गेडे च 23 अप्रैल ते 29 अप्रैल गी होगा। पश्चिम बंगाल च पैहले गेड च 152 विधानसभा क्षेत्रें च मतदान होग, जिसलै कि दूए गेड च 142 विधानसभा क्षेत्रें च मतदान होगा। सारे चार राज्यें ते इक केंद्र शासित प्रदेश च वोटें गी गिनतरी 4 मई गी होगा। श्री कुमार होरें आक्खेआ जे चुनाव कार्यक्रम दी घोषणा दे कन्नै गै इने राज्यें ते केंद्र शासित प्रदेश च आचार संहिता फौरी प्रभाव कन्नै लागू होई गई ऐ। श्री कुमार होरें दस्सेआ जे 5 विधानसभाएं दे 824 निर्वाचन क्षेत्रें

दे चुनावें च लगभग 17 करोड़ 40 लख मतदाता ना। इनदे च पश्चिम बंगाल दे लगभग 6 करोड़ 44 लख, तमिलनाडु दे 5 करोड़ 67 लख, केरल दे 2 करोड़ 70 लख, असम दे ढाई करोड़ ते पुडुचेरी दे 9 लख 44 हजार मतदाता शामिल ना। मुख्य चुनाव आयुक्त होरें आखेआ जे चार राज्यों। ते इक केंद्र शासित प्रदेश च कुल 2 लख 19 हजार मतदान केंद्र होंडना। ते कुल 25 लाख चुनाव कर्मियों गी तैनात कीता जाग। मुख्य निर्वाचन आयुक्ता होरें आखेआ ऐ जे हर इक मतदान केंद्र पर पीने आले पानी- शौचालय ते साइनबोर्ड जनेई घट्टोघट्ट सुविधा यकीनी करने दे निर्देश जारी कीते गए ना। उनें आखेआ जे हाल च गै चुनाव गी मता पारदर्शी बनाने आस्तै चुनाव आयोग नै 30 नमी पैहलकदमियों दी शुरुआत कीती ऐ। श्री कुमार होरें आखेआ जे हर इक मतदान केंद्र पर बढ़ोबढ़ 12 सौ मतदाता गै मतदान करी सकडना। सारे मतदान केंद्रें पर निगरानी आस्तै 100 प्रतिशत वेबकास्टिंग होग। पश्चिम बंगाल दी 294 सदस्यीय विधानसभा दा कार्यकाल 7 मई गी समाप्त होआ र दा ऐ, असम दी 126 सदस्यीय विधानसभा दा कार्यकाल 20 मई गी खतम होआ'रदा ऐ ते केरल दी 140 सदस्यीय विधानसभा दा कार्यकाल 23 मई गी खतम होआ र दा ऐ। तोआंई, तमिलनाडु दी 234 सदस्यीय विधानसभा दी कार्यकाल 10 मई गी ते पुदुचेरी दी 30 सदस्यीय विधानसभा दा कार्यकाल 15 जून गी मुक्का'रदा ऐ।

<><><><><><>

R.S Voting

बिहार दिएं 5 ओडिशा दिएं 4 ते हरियाणा दिएं 2 राज्यसभा सीटें लेई अजज वोट पोआए गो। मतदान दी प्रक्रिया संझा 4 बजे तगर जारी रेही ते 5 बजे वोटें दी गिनतरी दा कम्म शुरू होआ। इनें सीटें दे नतीजे अज्ज संझा चिरें धोड़ी आई जाने दी मेद ऐ। बिहार दिएं 5 सीटें लेई वोट पटना च बिहार विधानसभा च पोआए गो। बीजेपी दे राश्ट्री प्रधान नितिन नबीन होरें बी विधानसभा परिसर पुज्जियै अपना वोट पाया जिसलै जे राज्य च बरोधी धड़ें दे नेता तेजस्वी यादव होरें बी उत्थे आइयै अपने वोट दा इस्तेमाल कीता। जनता दल यूनाइटेड दे विधायक अनंत सिंह जेल थमां सख्त सुरक्षा बंदोबस्तें हेठ

वोट पाने लेई आए। बिहार विधानसभा च विधायकें दी गिनतरी साब्वै इक मेदवार गी जितने लेई 41 वोटें दी लोड़ ऐ। तोआई, ओडिशा राज्य सभा दिएं खाली 4 सीटें पर कुल 4 मेदवार खड़ोते देन जिंदे च बीजेपी दे राज्य प्रधान मनमोहन समल ते मजूद राज्यसभा मिम्बर सुजीत कुमार हुंदे अलावा साबका केंद्री मंत्री दिलीप रे होरें बी पार्टी दे समर्थन कन्नै अजाद मेदवार दे रूपै च खड़ोते दे ना। ओडिशा च बरोधी धड़ें आसेआ मशहूर फीजिशियन डॉ. दत्तेश्वर होता ते पार्टी दे नेता सत्रुंसा मिश्रा गी चुनां मैदान च तोआरेआ गेआ ऐ। हरियाणा च कुल 3 मेदवार चुनां मैदान च जिंदे चा इक बीजेपी ते इक कांग्रेस दा इक अजाद मेदवार दे तौरा पर मकाबले च ना। बीजेपी नै साबका सांसद संजय भाटिया जिसलै जे कांग्रेस नै कर्मवीर बोद्ध होरें गी चुनां मदान च तोआरेआ जिसले जे सतीश नंडाल अजाद मेदवार दे तौरा पर चुनां लड़ा'रदे ना।



Railway-Demands

लोकसभा 2026-27 बरै लेई रेल मंत्रालय दिएं ग्रांट मंगें पर अज्ज चर्चा शुरू होई। चर्चा च हिस्सा लेंदे होई कांग्रेस दे तारिक अनवर होरें दोष लाया जे सरकार अपने लक्ष्यें गी हासल करने च नकाम रेही ऐ। उनें आखेआ कि अमृत भारत स्टेशन योजना दे तैह्त इक ज्हार 337 स्टेशनें चा छड़े 160 पर गै नमें सिरेआ विकास आहले कम्म सबूरे होए ना। अनवर होरें आखेआ कि यात्री सुरक्षा दे नां पर सरकार छड़े एलान करा करदी ऐ ते रेलवे च रोजगार दी कमी इक चिंता दा विशे ऐ। उनें आखेआ जे 2010-11 च रेलवे च कुल 13 लक्ख 28 ज्हार कर्मचारी हे जिंदी गिनतरी हून घटियै 11 लक्ख 72 ज्हार रेही गेई ऐ। बीजेपी दे गणेश सिंह होरें आखेआ कि पिछले 10एं बरें च रेलवे च महत्वपूर्ण बदलाव होआ ऐ, नमीं टेकनालजिएं दी शुरूआत होई ऐ ते रेल नेटवर्क दा विस्तार कीता जा'रदा ऐ। उनें आखेआ कि 2013-14 च रेलवे दा बजट छड़ा 63 ज्हार करोड़ हा जेहड़ा अज्ज 2 लक्ख 78 ज्हार करोड़ तगर पुज्जी गेदा ऐ। उनें दस्सेआ जे 2026-27 च रेलवे दी नमी लाइन लेई 36 ज्हार 722 करोड़ रपे दा प्रस्ताव ऐ।



Standup-India Scheme

सरकार नै अनुसूचित जातिएं, अनुसूचित जनजातिएं ते महिला उद्यमिं लेई स्टैंड अप इंडिया योजना गी नमें सिरेआ गठित संस्करण दा ऐलान कीता ऐ। इस नमें संस्करण दा मकसद लोन प्रक्रिया गी सखल्ला बनाना, रास लाने दी जरूरतै गी घट्ट करना ते 10 लक्ख कोला इक करोड़ तगर दे लोन दे राएं ग्रीन फील्ड उद्यमें दी स्थापना गी मता सुविधाजनक बनाना ऐ। अज्ज लोकसभा च इस बारै जानकारी दिंदे होई खजाना मंत्री निर्मला सीतारमण होरें दस्सेआ जे अप्रैल 2026 च शुरू कीती गेदी स्टैंडअप इंडिया स्कीम पिछले बरे मार्च च खत्म होई गेई ऐ ते नीति आयोग ते होरनें विभागें एहदा पूरा अध्ययन करने दे बाद इसी पूरी चाल्ली इक नमें सरूप च एहदी रूप-रेखा ते खासा तैयार करा'रदा ऐ।



MHSDS-Awards

महाराजा हरि सिंह डोगरा सम्मान-2026 सरबंधी कार्यक्रम दा सरिस्ता जम्मू च कीता गेआ। इस दरान बक्ख-बक्ख क्षेत्रें च योगदान देने आहले लोकें गी सम्मानित कीता गेआ। समाजी न्याऽ ते सशक्तिकरण सरबंधी केंद्री राज्यमंत्री रामदास अठावले होर इस कार्यक्रम च बतौर खास मेहमान मौजूद हे। इस मौके साबका I.P.S. अफसर किरण बेदी होरें गी सार्वजनिक सेवा ते राष्ट्र निर्माण च उन्दे योगदान लेई लाइफटाइम अचीवमेंट अवार्ड कन्नै सम्मानित कीता गेआ। कार्यक्रम दरान शहीद पुलस कर्मिं गी उन्दे सर्वोच्च योगदान लेई चेत्ता कीता गेआ ते उन्दे योगदान गी सम्मान दिता गेआ।



Sahitya Academy Award

2025 बरें दे साहित्य अकादमी अवार्ड दी घोशणा करी दित्ती गई ऐ। इस बरें दे डोगरी च एह सम्मान डोगरी भाशा दे मन्ने-परमन्ने दे कवि खजूर सिंह ठाकुर होरें गी उन्दे कम्में आस्तै देने दी घोशणा कीती गई ऐ। उनेंगी एह सम्मान उन्दे कम्म ठाकुर साहित्य लेई दित्ता गेआ ऐ। एह्दे च कवि होरें साहित्य जीवन दे अनुभव, सामाजिक मुल्ल ते मनुक्खी भावनाएं गी अपनी कविताएं राएं व्यक्त कीते दा ऐ। साहित्य अकादमी अवार्ड 24 भाशाएं च साहित्य दे खेत्तर च बेहतरिन कम्म करने लेई दित्ता जंदा ऐ।

<><><><><><><>